




A. LAURENTIUS

De sacro veteris


Ecclesiæ Ministerio.

Ratisl. 1589.



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1048 4° copy 1








Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1048 4° copy 1



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1048 4° copy 1



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1048 4<sup>o</sup> copy 1



2.-281.


DA BOX

LN 1048


ex. 1

M









THESES  
DE SACRO  
VETERIS EC-

CLESIAE MINIS-

TERIO:

*Quae 30. Aprilis, hora VIII. in auditorio  
Theologico, DEO iuvante,  
disputabuntur.*

*Præside*

ANDREA LAVRENTIO Theo-  
logiæ Professore:

*Respondente*

CYNRADO ASLACHO  
Bergensi.



H A F N I Æ

Excudebat MATTHIAS VINITOR.

Anno

D. M. LXXXIX.



*Paulus Ephes. 4.*

CHRISTVS cum ascendisset in sublime, dedit ipse alios  
quidem Apostolos : Alios verò Prophetas : alios autem  
Euangelistas ; alios autem Pastores & Doctores.

*Ad Corinth. 1. cap. 15.*

Labor vester non erit inanis in Domino.



Theses de hierurgia veteris  
Ecclesiæ.

**I.** De sacro veteris Ecclesiæ ministerio, deq; eius adminis-  
tris propositum est nobis disputationem instituere: Deus  
conatui nostro adsit, efficiatq; vt omnia nomini ipsius sanctis  
edificando, & scholasticæ iuuentutis commodo cedant.

**2.** Ministerium illud asserimus, esse munus diuinitus in-  
stitutum: quo hominum ad id delectorum operâ, **DEI** vo-  
luntas, de seruando genere humano, patefiat.

**3.** **DEVM** autem huius muneris atq; officij autorem  
esse, constat ex colloquio illo, quod Filius Dei, cum Adamo  
protoplasto habuit, alijsq; scripturæ axiomatis.

Errant itaq; qui contempto hoc colligendæ Ecclesiæ or-  
dinario medio, vt Enthusiastæ afflatus, nescio quos, expe-  
ctandos censent.

**4.** Partes tres præcipuas esse censemus: nempe doctri-  
nam, signum & Preces: de quibus sigillatim & breuiter  
dicemus.

**5.** Doctrina est illud, de quo saluandi, voluntatem **DEI**  
simpliciter edocendi erunt: eaq; ex verbo **DEI**, quod omnia,  
quæ saluandis scitu necessaria sunt, continet, petenda.

Malè igitur sentiunt & docent: qui verbo illo minimè  
contenti, humanas traditiones Ecclesiæ Christi obtrudunt,  
ijsq; plus quàm æquum est, attribuunt.

A 2

6. Huius



6. Huius doctrinae capita duo sunt praecipua, Lex nimirum & Gratiae promissio: quae alias dulcissima appellatione Euangelium nominatur.

7. Lex est iudicium DEI aduersus peccatum & norma eorum, quae homini vel facienda vel omittenda sunt: Quod cum à nullo homine, absq[ue] Dei gratia plenè queat praestari, deducit illa nos ad Christum legis finem, Rom. 10.

8. Huc spectat quoq[ue] disciplina & censura, absq[ue] qua hominum petulantia & improbitas coërceri nequeat: estq[ue] in ipsis legis sanctionibus comprehensa, atq[ue] posita in obiurgationibus, minis & pœnis Ecclesiasticis, cuiusmodi sunt auersatio, deuotio, & anathema.

9. Auersatio erat, cum aliquis ob pollutionem corporis, cuius variae species in Lege fuere, ab hominum congressu & conuictu, ad certum tempus arceretur, vt Mariae soror Moysis Numer. 12.

10. Deuotio seu simplex Excommunicatio, cum aliquis ob maius peccatum à censu populi Dei expungeretur: vt Cain ob fratris caedem, Genesis cap. 4.

11. Anathema verò cum aliquis peccata peccatis cumulando, absq[ue] spe resipiscentiae, Dei iustissimam iram in se atq[ue] alios prouocaret: cuiusmodi aeternae morti obnoxius pronunciabatur. Paulus vocat Maran Atha 2. Corinth. 16.

12. Legis noticia initio conditi mundi, hominum animis, in quibus etiam post lapsum, eius reliquiae aliquae, sed admodum deprauatae

depravatæ hærent, impressa: & postea, ad montem Sinai,  
terribili voce Dei repetita & literis iussu ipsius mandata.  
Exod. 20.

13. Promissio verò gratiæ, est voluntatis Dei, de hominibus  
credentibus, per gratuitum fœdus, in vno Christo ante  
Legem Mosi traditam, & sub ipsius pædagogia adumbras  
to, tandemq; in temporum plenitudine exhibito, revelatio.

14. Hæc quoq; initio mundi, Adamo generis humani pri  
mo parenti à Filio DEI patefacta, & postea Setho,  
Abrahæ, Isaaco, Iacobo eius filio, Iudæ (cuius tribus gente  
atq; religione à reliquis distincta & impermixta, vsq; ad  
CHRISTI exhibitionem permaneret Gen. 49.) & Dauidi  
eiusq; posteris, accedente maiore luce, tradita & commendas  
ta fuit.

15. Vtriusq; doctrinæ idem vsus in populo Dei fuit semper,  
est, atq; erit, quantumvis id Diabolus & ipsius organa im  
pedire conentur, vsq; ad mundi finem & diem restitutionis  
omnium.

16. Illâ morbus hominum, hac verò efficax aduersus mor  
bum remedium ostenditur: illa summum ius vrget, atq; mor  
bum, id est peccatum, auget: hac summi iuris moderatio, vno  
Christo, cuius merito & obedientia saluemur, indicato, pro  
ponitur.

Insaniunt ergo Anomæi, qui negant legis decalogum,  
in Ecclesia retinendum, atq; Christiano populo inculcandum.



*Perperam etiam sentiunt, qui fingunt alios quidem lege naturæ, nonnullos lege Mosis, quosdam verò lege Euangelij saluatos.*

*Hæc de doctrina simplice: nunc  
de signo.*

*II.*

- 17. DEVS, quæ est ipsius sapientia & bonitas, doctrinæ, de qua huc vsq̃, signa quædam & symbola, quorum idem vsus, qui doctrinæ est, addidit & in Ecclesia sua retineri vult.*
- 18. Etsi autem scriptura non vnius generis signorum meminit: nos tamen de ijs potissimum, quæ appellationibus iam diu in Ecclesia vsurpatis, Sacrificia & Sacramenta vocantur, hoc loco agemus.*
- 19. Sacrificium est res sacra, ab eo, à quo affertur parata, Deo, qui eam postulat sibi dari offerri, à sacerdote, ex ipsius præscripto, oblata, Genes. 4. Estq̃ illud vel hilasticon vel eucharisticon.*
- 20. Hilasticon, quod peccatorum expiationem, quæ à Christo fieret, figurabat & obsignabat: ac quia totum igni crematum Iehouæ in odorem quietis, Genes. 8. offerebatur, holocaustum est vocatum.*
- 21. Duo significauit: Primò Christum ipsum holocaustum, in odorem suauem pro nobis fore. Heb. 10: Deinde  
homines*

homines non posse Deo placere, nisi corpus & animam Deo,  
per Christum, consecrent.

22. Eucharisticum, quo gratitudo erga Deum pro acceptis  
beneficijs testata declararetur: ac significauit à pijs in omni  
vita, Deo spiritualia sacrificia, id est precationem & in  
alios beneficentiam esse Deo grata & debita Hof. 14.

23. Sacramentum verò est ritus diuinitus institutus, quo  
Deus testatur credentes à se recipi eisq; promissionem gratiae  
applicari, ac fidei iusticiã, ceu sigillo, obsignari et confirmari.

24. Priscæ Ecclesiæ Sacramenta alia fuere temporaria, vt  
Isrælitarum per mare rubrum transitus: commoratio sub  
nube: aqua manans è petra: alia verò in illa Ecclesia fixa &  
permanentia vsq; ad Christi sacrificium peractum, vt cir-  
cumcisio & Phasæ.

25. Porrò vtraq; Sacrificia nimirum & Sacramenta, ty-  
picam quandam rationem habuisse, notius est ex Christi &  
Apostolorum concionibus, quàm vt probatione indigeat.

26. Typi verò in hoc argumento sunt illud, in quo tanquam  
exemplari impressa forma, antitypon seu rei veritas, per ana-  
logian representatur: quod fortè obscurius dictum, exemplis  
fiet illustrius.

27. Noë miranda conseruatio in arca, typus erat salutis  
omnium, qui Christi merito æternæ vitæ hæredes scripti sunt:  
Antitypon verò fidelium omnium Baptismus 1. Petri 3.

28. Cæsura



28. *Cæsura & præputij circumcisio erat typus spiritualis circumcisionis cordium, quæ absq̃ manibus fit. Deut. 10. Rom. 2. Antitypon idem Baptismus.*

29. *Cæterum cum simplicis & Symbolicæ docendæ rationis collatio, scitu in primis sit digna: de illa quoq̃ aliquid dicemus.*

30. *Vt verbum seu docendi ratio simplex: Ita quoq̃ symbolica totius hominis instaurationi seruit, & vtriq̃ idem finis à D E O destinatus.*

31. *Verbo enim Christi beneficia omnibus offeruntur: fide applicantur saluandis, Sacramentorumq̃ verò vsu obsequantur.*

32. *Verbum externum aures ferit, internum Spiritus sancti operatione cor afficit: Sacramenta sensus afficiunt: Res verò Sacramenti fide apprehensa, conscientias emundat à peccatis, & animæ escam conuenientem, qua æternum viuat, affert.*

### III.

33. *Cæterum cum maximæ partis hominum ea sit malitia & improbitas vt externum ministerium inefficax sit, nisi D E V S animis & cordibus hominum instillet Veram pietatem, eaq̃ ad obsequium sibi gratum præstandum, flectat, ardentes preces concipiendæ sunt: vt iusta copulatio externi & interni ministerij fiat.*

34. *Leguntur*

34. Leguntur itaq; in sacra historia preces pro salute cœtus ad D E M fusæ, vt Exod. 17. & Num. 6. Leguntur etiam gratiarum actiones pro beneficijs Ecclesiæ à D E O præstitis.

35. Ac vt ostenderent precaturi, se ad verum Deum preces suas dirigere: vsi epithetis quibusdam, in precum compellationibus, quibus Iehouam à falsis & commentitijs numinibus omnibus seiungerent, fuere.

36. Huius generis sunt: Deus altissimus: Possessor Cœli & Terræ: Deus Abrahamo, Isaaco, Iacobo patefactus: Israëliitarum ex terra Ægypti euctor, &c,

37. Nitebantur illorum preces filij Dei, qui aliquando massam humanæ naturæ esset assumpturus, fiducia, eaq; se voti compotes fore, statuebant.

38. In maximarum itaq; rerum, & sapientiæ veræ ignorantia versantur, qui negant in patribus priscae Ecclesiæ aliam filij Dei noticiam fuisse, quàm in Socrate, Scipione & alijs Ethnicis, quorum exterior vita honesta erat & iudicio rationis consentanea.

Huc vsq; de ministerio & eius partibus: nunc verò de ministris, quemadmodum promisimus, pauca dicenda.

#### MINISTRI.

39. Primus Doctor Ecclesiæ erat filius æterni Patris Sermo ille: qui Adamum ob mandati & interdicti violationem,

B

nem,



nem, grauitèr obiurgatum, docendo & moderando cœtui, constituto etiã die, quo id faceret, præfecit: cui Seth & alij ipsius posteri vsq; ad diluuium idem munus continuarunt.

40. Noah, vt ante diluuium, ita postea quoq; Ecclesiæ Minister fuit: Sem & alij ordine sibi succedentes, vsq; ad Abraham: quorum plerosq; primogenitos (nisi à familijs se immecti illi essent, qui diuinitus instructi sacra administrabant) existimant multi.

41. Abraham, Isaacum, Iacobum, idem munus vsq; ad Mosèn ferè, prophetici chori ducem, obiuisse, certum est.

42. Constituta demum certa politiæ forma, dignitas illa à primogenitis: forte ob Rubenis scelus, qui patris thorum incestu polluit, deriuata in Leuiticæ gentis homines, Sacerdotes & Leuitas dico, fuit: quorum ordinaria successio, plerumq; vsq; ad Christum, in carne manifestatum, mansit.

43. Prophetarum quoq; cum Sacerdotes negligenter suo munere defungerentur, ministerium extra ordinarium instituit Deus, quibus Sacerdotes & Reges ipsos parère necesse fuit.

44. Eorum officium fuit, præter alia quedam, toti corpori illi Legem interpretari: inobedientes denuntiatione horrendorum iudiciorum Dei terrere, & pios dulcissimis promissionibus Euangelij consolari & confirmare.

45. Loca

45. *Loca* (vt de ijs quoq; aliquid á nobis dicatur) cultui diuino exercendo, etiam ante Mosen destinata, eaq; vel generalia vel specialia fuisse, extra controuersiam est.

46. *Generalis locus* erat, vbi *DEVS* praesentiae suae aliquo Symbolo, se coli velle ostenderat: atq; ideo facies Iehouae appellatur Genes. 4. *Domus DEI* & porta Caeli. Genes. 28.

47. *Specialis vero*, vt altare, in quo sacrificia oblata sanctificarentur & *DEO* grata fierent vt Gen. 8. & 12.

48. *Sub Mose* verò & post eum ordinarius locus sacrificandi fuit primò Tabernaculum, deinde Templum Salomonis, & alterum extructum à reducibus Iudeis ex deportatione Babylonica: Extra ordinarius, vbi sacrificatum fuit aliquando: vt ab Elia in monte Carmelo: 1. Reg. 18.

49. *Huiusmodi locorum discrimen* (vt & ceremoniae legales, quod etiam fore praedixerat Daniel 9.) Sublatum est Christi aduentu. Iohan. 4.

Perperam igitur & inscieniter contenderant Nazarei, & alij: cum professione Euangelij retinendas legis quoq; ceremonias, Circumcisionem & alias, quod dogma Paulus vocat euersionem Euangelij. Gal. 1.



Atq; hæc hætenus de sacro ministerio prisca Ecclesiæ,  
& eius administris : Quod cum D E V S benignè consero  
uârit in aliqua parte veteris populi, eum quoq; in Christiana  
Ecclesiâ, vsq; ad mundi finem Euangelicum ministerium  
conseruaturum non dubitamus : Atq; vt id fa  
ciat ipsum ardentibus votis in nomine  
Filij ipsius precamur.



Carmen D. PHILIPPI MELANTHONIS  
de liturgia Mosaica.

Ἰερὺν τῆς διδασχῆς εὐαγγελίου φιλάσω.  
Ἰλάσκει θυσιῇ. ἴαίτω ἄρασι θεοῦ.



ecclesia,  
confero  
ristiana  
erium  
a.

